



In die demokrasie dra die besluit van honderd lafaards groter gewig as die besluit van een dappere.



Die



In die gesagstaat van die Ossewabrandwag triomfeer die moed van die dapperes oor die angvalligheid van die lafaards.

# O.B. WORD OMVATTENDE VOLKSBEWEGING.

## Ossewabrandwag tot Volledige Volksbeweging Omskep

### Uniale Organisasie met Ses Gebiede in plaas van Provinsiale Stelsel

Die Ossewabrandwag het tans sy finale ontwikkeling as organisasie bereik deurdat ten volle uitvoering gegee is aan 'n besluit van die Offisiërslaer van Oktober 1941 te Bloemfontein, wat hom tot die omvattende Volksbeweging van die Afrikanerdom verklaar het. Die uitbouing van die Grootraad en nuwe indeling is reeds in werking.

Deur die Offisiërslaer wat te Bloemfontein op 13 Okt. 1941 gehou is, is besluit tot die uitbouing van die Ossewabrandwag tot 'n volksbeweging. Reeds toe is gevoel dat die idee waarvoor die Ossewabrandwag as organisasie hom beywer, tot ver buitekant sy organisatoriese grens strek, dat die ideologie waarvoor hy stry, selfs gekoester word in kringe wat organisatoriese die Ossewabrandwag as organisasie bekamp en derdens dat party-skap slegs kunsmatig en 'n tydelike, altyd wisselende verskynsel is wat, hoewel hinderlik in die volkskoers, die organisasie eeneid nóg in sy beweging nóg in sy bestemming kan vernietig.

Deur die omskepping van die Ossewabrandwag tot 'n volksbeweging moes dan voorsiening gemaak word vir die inskakeling van alle Afrikanerkrigte in die volksbeweging. Uitvoering hieraan is deur die Grootraad gegee, eerstens deur sy eie uitbouing met die byvoeging van afdelings, elkeen met 'n eie hoof en daarby met die nodige vertakkings om sodoende alle terreine van die volkslewe te dek.

Dit bring ook organisatoriese veranderinge tot 'n seker mate mee, n.l. die herindeling van die Unie in ses gebiede wat die ou Provinsiale grense uitwis. Die generaalskappe bly egter onveranderd voortbestaan.

#### DIE GROOTRAAD

Die Grootraad bestaan voortaan uit die Leier, komdt.-generaal dr. J. F. J. van Rensburg; die Organisasieleier, adjunk-komdt.-generaal J. A. Smith; Gebiedsleier, hoofgeneraal F. D. du T. van Zyl (Wes-Kaapland); Gebiedsleier, hoofgenl. J. H. Moolman (Oos-Kaapland); Gebiedsleier, hoofgenl. J. F. van der Merwe (Vrystaat en Grikwaland-Wes); Gebiedsleier, hoofgenl. C. A. Pienaar (Natal en Grikwaland-Oos); Gebiedsleier, hoofgenl. Louis Bootha (Witwatersrand) en Gebiedsleier, hoofgenl. H. M. van der Westhuysen (Noord-Transvaal); Beleidstudieshoof, prof. L. J. du Plessis; Voorligtingshoof, dr. P. J. Meyer; Finansiëhoof, dr. P. Bothma; Noodhulphoof, ds. S. J. Stander; Inspekteurgeneraal, genl. J. D. Jerling; Jeugleier, prof. Dirk van Rooy, en hoofgenl. J. Schoeman, H. Neethling, G. Mocke, E. Cadle, J. L. Uys, M. P. Wessels en die Sekretaris, prof. A. J. H. van der Walt.

In plaas van die vroeëre Provinsiale Vroue-adjunkrade is daar nou 'n Uniale Vroue-adjunkraad van die Grootraad, saamgestel uit die ses Hoofvroue (generales), een van elke Gebied en ander vroue wat met die oog op besondere vroue-aangeleenthede gekoopteer word.

Die pligte, verantwoordelikhede, ens. van die afdelingshoofde en vertak-

kingsleiers word in omsendbriewe en bevele kragtens besluit van die Grootraad bepaal.

Alle kommando's en offisiere is aan hul onderskeie Gebiedshoofkwartiere, waarvan hulle reeds kennis gekry het of nog kennis sal kry, verantwoordelikhede soos in die verlede verskuldig.

Om die gees van die Ossewabrandwag heg saam te snoer en die nodige wisselwerking en vertroue tussen die leiding en die gelede te bestendig, word jaarliks Laertrekking van offisiere uit alle gebiede gehou. By hierdie geleentheid doen die Kommandant-generaal regstreeks aan hulle verslag.

#### DR. MALAN OOR EENHEID

By geleentheid van sy vergadering voorverlede week op Vredendal het dr. D. F. Malan 'n aantal vrae beantwoord waarvan geen verslag in sy pers verskyn het nie. Omdat sekere daarvan betrekking het op die aanbod van die Ossewabrandwag in verband met die verkiesing, is dit van belang dat ons sy antwoorde plaas.

Op die vraag wat hy sal doen om die twis in Afrikanergelede te beëindig, het dr. Malan geantwoord dat hy op 4 September aan genl. Hertzog aangebied het om onder hom te dien en also eeneid te kry. In Bloemfontein het hy 'n grondslag neergelê om die Nuwe Orde-groep by hom te hou, maar adv. Pirow het afgebrokkel. Verder het hy die Nasionale komitee-voorstel gedoen, maar dr. Van Rensburg het dit vir slegs twee dae aangeneem. „Nou weier ek om enige verdere stap te doen,” het hy beslis uitgeroep.

Aangaande die aanbod van dr. Van Rensburg het hy gesê dat dit vir die Ossewabrandwag is om te sê waar hulle gaan stem. „Ek sal nie hulle stemme weier nie, maar ek sal dit ook nie vra nie. Hulle kan doen wat hulle wil!”

#### INTEKENGELD VERHOOG OP DIE O.B.

Intekenare op Die O.B. word hiermee in kennis gestel dat weens onvermydelike omstandighede intekening op Die O.B. vanaf 1 Julie 1943, as volg verhoog sal word:—

(1) Kommando-intekenare:— (D.i. intekenare wat deur die Kommando waaronder hulle ressorteer, inteken: 6/- per jaar, 3/- per halfjaar

(2) Intekenare wat verkies om nie deur 'n Kommando in te teken nie, maar regstreeks deur Voorslag Edms. Bpk., 10/- per jaar.

## Offisier Kies Pad van Plig en Eer: Generaal M. S. F. Grobler

### Kommandant-Generaal oor O.B. as Brug na Nuwe Sosiale Bedeling

'n Aankondiging dat aan genl. M. S. F. Grobler van Pretoria die eis gestel is dat hy onmiddellik 'n verklaring moet teken dat hy alle verband met die Ossewabrandwag sal afbreek en al sy bedrywighede in dié rigting sal staak met die dreigement dat hy anders onmiddellik geïnterneer sal word, is Saterdagmiddag, 8 Mei, op 'n groot vergadering van meer as 10,000 op Louis Trichardtplein, Pretoria, deur dr. J. F. J. van Rensburg gedoen.

Eerw. Grobler het kort daarna 'n verklaring oor die luidspreker afgelees waarin hy die eis van die interneringsowerheid van die hand wys.

Dr. Van Rensburg het op dieselfde vergadering 'n besluit van die Grootraad aangekondig om met die oog op meer intensiewe organisasie 'n nuwe indeling in te stel waardeur die O.B. in gebiede in plaas van provinsies ingedeel word.

Die twee A.K.G.'s van Transvaal en Kaapland word uniale offisiere; genl. J. A. Smith, van Kaapland, word Adjunk-Kommandant-generaal en adv. J. D. Jerling van Transvaal word Inspekteur-generaal.

Die gewone Brandwagte, het hy verklaar, word nie veel geraak deur die nuwe indeling nie. Hul pligte bly dieselfde hoewel dit hopelik makliker word.

Dr. Van Rensburg, wat gepraat het oor die betekenis van die O.B. in hierdie oorgangstydperk, het gesê dat dit die Beweging se taak is om die kern

#### APPEL MISLUK

Die appél van die 22 jeugfront-offisiere wat 'n tyd gelede deur die magistratuur van Bloemfontein veroordeel is tot £25 boete of twee maande tronkstraf elk, is verlede Vrydag deur die Appélhof verwerp. Die manne was daarvan aangekla dat hulle aan dril oefeninge deelneem het in 'n kamp. Indertyd het hulle hul almal bereid verklaar om tronkstraf te ondergaan indien hul hoër beroep nie slaag nie.

van die Afrikanerdom ryp te maak vir die oorgang van kapitalistiese Britse dominium na 'n sosialistiese republiek. Die O.B. is die brug waarop ons volk moet loop vanaf die ou kapitalistiese bedeling na die nuwe sosialistiese bedeling wat onverbiddelek kom, want daardie brug moet nasionaal wees of die Afrikanervolk sal hom nie betree nie — nasionaal en nie internasionaal nie.

En die O.B. is nasionaal, nasionaal in hart en niere. Hy is die rewolusionêre nasionale suurdeeg in hierdie tyd van wêreldgisting. Rewolusie beteken nie straatgevegte en barrikades nie. Dit is maar die uiterlike resultate daarvan. Die ware rewolusie is die ommeswaai in die volk se uitkyk en sy mentaliteit. En wie sal betwis dat as een beweging 'n ommeswaai in die mentaliteit van hierdie volk, of ten minste die aktiwistiese gedeelte daarvan, bewerkstellig het, dit die O.B. is.

Dr. Van Rensburg het drie aspekte van hierdie rewolusionêre uitkyk genoem; die organisasie gedagte, die sosiale gedagte en die dissiplinêre, onde-

mokratiese samestelling.

Die O.B. het die liberale partystelsel verwerp. Hy het geleer dat die partygenoot goed mag wees maar dat die volksgeenoot beter is; dat volks-eenheid in die eerste plaas in bloed en bodem geleë is en nie in stembusse nie.

Maar daar is by die O.B. nie net broederlike liefde nie. Daar is ook broedersorg, volksorg. Die O.B. sê „Ja, ek is my broer se hoeder”. Die nasionalisme, byna fanatieke nasionalisme van die O.B. word nie betwyfel nie. Slegs 'n sielsieke kan dit ontken. Maar sy nasionalisme is ook sosial gebleur. Hy sê „nasionaal omdat ons broeders is, sosial omdat ons hoeders is”.

Hy het verwys na meisies in Johannesburg wat teen 'n loon van £1 16s. per maand in fabriek moet werk. Daarvan moet die helfte gaan vir karige losies. 'n Mens kan daardie meisies nie kwalik neem as hulle in hul wanhoop selfs na die kommunisme as redding wil gryp nie. As die demokratiese staat hulle nie teen sulke uitbuiting kan beskerm nie, is hy klaar.

#### Noodhulp

Daarom wil die O.B. nie net langs (Vervolg op bls. 2)

Waarde vir geld

Kommando

sigarette



# Offisier Kies Pad van Plig en Eer

(Vervolg van bls. 1)

nasionale weg nie, maar ook langs sosiale weg vooruit. Die O.B. is geen leë woorde nie. Die O.B. beheer nie die staat nie—dit sal nog kom—maar hy het in eie gelede die sosiale probleem wat ontstaan het, veral ná die roekelose interneringsbeleid van die Regering. Daardie vrouens en kinders van manne wat in die kampe en tronke sit, het die owerheid geen omgee besorg nie. Hulle het nie omgee van daardie vroue en kinders word nie. Toe kom die O.B. se Noodhulpfonds.

„Soos gewoonlik, het ook die demokrate groot lawaai gemaak, veel lawaai maar weinig wol. Die Burger en sy ondergeskikte blaie het 'n oproep aan sy mense gerig om vir die afhanklikes van geïnterneerdes te sorg. As hulle die oproep daarby geelaat het, sou ons hulle gerespekteer en gedank het,” het dr. Van Rensburg gesê. „Maar die O.B. moes dit ook outgeld. Die Burger het geskryf dat die sorg van die afhanklikes eintlik die O.B. se taak was, maar dat die organisasie nie meer in staat was daar-

toe nie. Derhalwe tree die Herenigde Party toe grootmoediglik in.”

Met al sy propagandamiddels het die Party sowat £3,000 vir die doel ingesamel en ná 'n maand of twee het hulle die saak laat vaar. Maar die O.B. wat destyds dan reeds deur verkeerde leiding gebreek sou gewees het, het voortgegaan met sy taak en in die afgelope veertien maande reeds meer as £30,000 aan noodhulp verstrek aan die gesinne van manne wat in die Empire se tronke sit, soldate van die Republiek, krygsgevangenes van die Empire. Selfs betaalde advertensies van Noodhulpfunksies is deur hierdie pers wat homself nasionaal noem, geweier, maar sonder hulp het die O.B. sy taak verrig.

Maar sterk sosiale optrede is onmoontlik in 'n liberale demokratiese staat, want die geldmag kan telkens weer met sy middels verbokkeling en verdeling veroorsaak. Daarom het die O.B. nie die klem kom lê op die demokratiese geskree oor gewaande regte nie, maar hiewer gewys op die pligte. Dit is slegs aan die verhardende uitwerking van dissipline te danke dat die O.B. ná drie jaar van vervolging nog staan.

„Dit is nie hoera-patriotisme wat manne ná drie jaar van vervolging nog die gevangenis laat verkies bo eedverbrekking nie. Dit is pligsgetroue gewete. Dit is die gees wat jongmanne ná drie jaar van stryd beweeg om feitlik lewenslange gevangenisstraf in die Empire se tronke te laat aantreef met 'n lakonieke, „Lank lewe die Ossewabrandwag,” het hy gesê.

Ten slotte, het dr. Van Rensburg gesê, is daar vir hom 'n pynlik en tog dankbare plig. Dit is pynlik omdat dit 'n geval is waar 'n goeie Afrikaner van sy vrou en kindertjies weggeskeur kan word. Maar dit is 'n dankbare plig omdat die geval so tipêrend is van die onverbiddele gees van verset in die O.B., die Beweging wat aan die Regering nie dankie en ook nie asseblief sê nie.

Dr. Van Rensburg het vertel hoe dat aan genl. erw. M. S. F. Grobler die eis gestel is om die O.B. te bedank of interneringskamp-toe te gaan. Dr. Van Rensburg het daaraan herinner dat erw. Grobler twee jaar gelede uit die interneringskamp ontslaan is. Hy het hom dadelik en openlik weer in die volkstryd ingewerp. „Wat hy gedoen het, het hy openlik gedoen. Aan geen onderaardse bedrywighede is hy skuldig nie. En nou moet hy weer kamp-toe of sy eed breek,” het hy gesê.

Dr. Van Rensburg het gesê dat hy net van een ding weet wat plaasgevind het wat moontlik die oorsaak kan wees. As voorsitter van 'n skoolkommissie het erw. Grobler gebots met 'n naturellekommunis. Die naturel het hom getart dat hy, Grobler, maar net 'n Hollandse Kerk agter hom het, maar dat hy, die naturel, miljoene naturelle en in die agtergrond Rooi Rusland agter hom het. Hierdie voorval was in die pers en het 'n opskudding veroorsaak. Omdat erw. Grobler nou in onguns geraak het by naturellekommuniste, moet hy onskadelik gemaak word. Mnr. Lawrence en die ander here moes kies tussen 'n naturelle-kommunis en 'n blanke Afrikaner. En hulle het gekies soos 'n mens van hulle gewoon is. „Dat hulle teen generaal Grobler gekies het is vir hom 'n kompliment. Of dit vir die naturel 'n kompliment is dat hulle sy kant gekies het, laat ek aan hom oor,” het dr. Van Rensburg gesê.

„Genl. Grobler is 'n brutale keuse opgedwing deur die handlanger-regering. Hy het gekies. Hy kies sy plig en sy eed, „My God, my volk, my land Suid-Afrika.” As dit in die Regering se oë strafbaar is, is dit hulle saak, nie syne nie,” het dr. Van Rensburg verklaar. Hy het genl. Grobler verseker van die eerbied en die respek van die O.B.

„Marthinus Grobler, aan u en aan u vrou wat u in hierdie uur weer bystaan, ons bring hulde,” het dr. Van Rensburg uitgeroep en die skaar het driekeer hulde geroep.

„En vir u vervolgers sê ons,” het hy voortgegaan, „wees versigtig. Die wraai van die geskiedenis is besig om te draai en wat bo was gaan onder, diep onder, kom.”

## Verklaring

Genl. Grobler het vervolgens die volgende verklaring gedoen:

„Aan my is die eis gestel dat ek die Ossewabrandwag moet bedank en tuis onder sekere beperkings moet gaan sit. Indien ek nie die dokument onderteken wat bepaal dat ek my lidmaatskap van die O.B. moet verbreek, sal ek onmiddellik geïnterneer word. Hierdie eis wys ek voor u almal hier naaraan van die hand. Ek weier om daaraan te voldoen:

„1. Omdat die ondertekening van daardie vrystelling van internering die prysgee beteken van die onvervreembare burgerskap van my vaderland, wat my alleen deur geweld maar nimmer vrywillig ontnem kan word nie.

„2. Omdat ek my nooit te eniger tyd in watter verband of hoedanigheid, nóg in my pligte en werksaamhede as staatsburger, nóg die uitlewing van my lewensbeskouing en roeping, nóg in my hoedanigheid as lid of offisier in die Ossewabrandwag op enige wyse hoegenaamd skuldig gemaak het aan misdaad; selfs nie aan enige bedrywighede wat tans kragtens die noodregulasies tot misdaad verklaar word nie. Ek daag in hierdie opsig die hele wetlike gesag van die Staat sowel as enige ander gesag vir die toepassing van die noodregulasies uit om enige oortreding teen my in 'n openbare en onpartydige hof te bewys.

„3. Ek weier om vrystelling van internering te verkies om reeds gemelde redes, maar in besonder omdat ek weier om my eed van trou teenoor my volksgenote in die O.B. te breek, die verbrekking waarvan meened en godslastering beteken.

„4. Ek weier om my gewete te verkrag en my plig teenoor my volk te versaak.

„5. Ek weier omdat my eed my tot plig, selfopoffering en diens vir my

## „Hy Inspireer en Boesem Vertroue In”

By geleentheid van die groot Republikeinse fees en vergadering wat op 8 Mei op Louis Trichardtplein, Pretoria, gehou is, het hoofkomdt. dr. C. H. Rautenbach die volgende verklaar:

„In Maart 1942 was ek saam met twee ander predikante by wyle genl. Hertzog op sy plaas om oor die politieke toestand te gesels. In die loop van die gesprek het genl. Hertzog aan ons gesê dat hy vertrou het in die toekoms van die Afrikanerdom, want „daar is 'n jong leier onder die Afrikaners wat weet wat hy wil hê en dit is dr. Hans van Rensburg”.

Genl. Hertzog het verder gesê dat dr. Hans van Rensburg die volk inspireer en vertrou inboesem, en hy het die oortuiging uitgespreek dat niemand die Afrikanervolk sal lei wat nie vertrou inboesem nie.”—(Tvlse Korr.)

God, my Volk en my Land bind.

„Onder hierdie besef van my grootste plig en trou teenoor my volk en teenoor u hier kies ek die lydensweg my deur geweld opgedring bo die verkragtiging van my oortuiging en gewete, bo die maktiker weg van 'n lafaard, bo die verraad van my volksgenote in die O.B.—kom wat wil.

„As man wil ek nie swakker wees as die skoolmeisie Elsabe Nel nie, as Afrikaner nie minder onselfsutgig as hulle wat hulle goed en bloed op die altaar van vryheid gelê het nie. Ek kies die handhawing van die eer en die reg van my volk. Lank lewe die Ossewabrandwag.”

Nadat genl. Grobler sy verklaring voorgelees het, het die skare op die been gekom en die Transvaalse Volkslied „Kent gy dat Volk” uit volle bors aangehef.

Die skare het op onmiskenbare wyse uiting gegee aan sy waardering en trots vir die manmoedige optrede van genl. Grobler. „Ons bring hulde” is drie keer luid aangehef.

Die Kommandant-generaal het met 'n ferme handdruk sy waardering aan genl. Grobler. „Ons bring hulde” is sterkte toegewens.

Hierna het Elsabe Nel, die jong skooldogter wat tronkstraf verduur

## K.G. DEUR 10,000 IN HOOFSTAD ONTVANG

In hul duisende het Pretoriane Saterdagmiddag, 8 Mei, na Louis Trichardtplein opgetrek om te gaan luister na 'n toespraak van die Leier van die Ossewabrandwag, dr. J. F. J. van Rensburg wat die hoogtepunt was van die groot Republikeinse fees wat reeds die middag 'n aanvang geneem het.

Ons Leier is die middag na die fees-terrein gebring deur 'n optog bestaande uit studente van die Voortrekker-Universiteit, Pretoria, verteenwoordigers van die verskillende Pretoriaanse kommando's, elke afdeling met sy banier en vaandels, en hoë offisiere teenwoordig. Op die maat van tamboere het die optog statig in gelid deur die straat beweeg en onder groot toejuiging van die skare deur 'n Jeugfront-erewag, wat voor die verhoog opgestel was, gegaan en die Leier tot op die verhoog gebring. Nadat dr. Van Rensburg die erewag geïnspekteer het, het die Jeugfront 'n plechtige vlaghysing langs die verhoog uitgevoer. Statig het die groot O.B.-vlag in die koel luggie ontvou terwyl „Die Stem” uit volle bors aangehef is. Om die verhoog was 'n erewag van dame-studente van die Voortrekker-Universiteit opgestel.


Hierna het dr. P. J. Meyer, voorligtingshoof van die Ossewabrandwag, 'n toespraak gelewer. Die meeste feesgangers het die aandete op die terrein genuttig en die vroue-kommando's het dan ook gesorg dat daar genoeg lekkernye was.

Toe die vergadering van die aand 'n aanvang geneem het, het 'n skare van minstens 10,000 in die koel aandlug hul plek om die verhoog ingeneem. Met die aand se verrigtinge het die manne-studente van die Voortrekker-Universiteit 'n aaneengeslote erewag om die verhoog gevorm.

Die volgende offisiere was teenwoordig: Gebiedshoofgenl. H. M. van der Westhuizen, hoofgenl. H. L. Neethling, hoofgenl. Henri Slechtkamp, genl. M. S. F. Grobler, genl. Opperman en genl. mev. Rautenbach, as ook besoekende komdt. Roux, van Barkly-Oos. Die verrigtinge is geleidelik deur hoofkomdt. dr. C. H. Rautenbach wat ook met skriflesing en gebed geopen het.—(Tvlse Kor.)


het omdat sy geweier het om getuënis teen 'n mede-Afrikaner af te lê, met betroude oë genl. Grobler 'n handdruk gegee en hom sterkte toegewens. Ook die offisiere teenwoordig en talle persone uit die skare het met 'n handdruk hul waardering vir die manmoedige besluit betuig.

Die verrigtinge is met 'n dankgebed deur dr. Rautenbach en die sing van „Die Stem” afgesluit.



Ek sien hoe groot riviere,  
Deur onse hand geleel,  
Verkwikking bring vir diere,  
En mense moeg gestry.  
Ek sien hoe koringvelde  
Ons dor Karoo verryk.

A. D. KEET.



Een van die woonhuise (12 vertrekke) op twee pukk aanmeekaargrensende Vrystaatse plase met eie besproeiingskema, wat in hande van 'n ondernemende koper in veertig jaar hulself sal afbetaal. Prys, afsonderlik, £8,10,00 per morg; gesamentlik, £8. Vir volledige beskrywing van hierdie en 'n groot verskeidenheid ander plase wat ons het om te verkoop of verruil, of opdrag om u eie plaas te verkoop of verruil, skryf aan die vinnige plaasverkopers.—STEUNMEKAAR, Malherbestraat 268, Pretoria.

## Schoemanello-Drank

VIR KWALITEIT EN TEVERDENHEID DIE GOEDKOOPSTE

PER BOTTEL.—As u van 1 tot 5 bottels neem in gemengde klasse van 12 bottels.  
PER BOTTEL.—Om van 6 tot 12 van een soort te neem in klasse van 12 bottels.  
PER GELING.—In 8-gel. vaatjies of meer.

WYNE:	5/-	5/-	—
Fonkelwyn	5/-	5/-	—
Lewenswyn	3/6	3/6	—
Vermouth	2/6	2/6	—
Hanekraai- Cocktail	3/6	3/-	—
Likeurwyn	2/-	1/8	8/6
Ou Port	2/-	1/8	8/6
Jeripigo Rooi	1/3	1/2	6/-
Jeripigo, Wit	1/3	1/2	6/-
Soet Muskadel	1/2	1/1	5/6
Port	1/2	1/1	5/6
Worcester Hock	1/1	1/-	5/-
Pontak	1/1	1/-	5/-
Spesiale Sjerrie	1/-	11d.	4/9
Sjerrie	11d.	10d.	4/3

BRANDEWYNE:	7/6	6/6	36/-
Schoemanello	7/6	6/6	36/-
Ekstra Spesiaal	7/-	6/3	34/-
Brandewyn, F.C.	6/6	6/-	33/-

LIKEURS:	6/6	5/6	31/-
Kersie-Brandewyn	6/6	5/6	31/-
Anys-Brandewyn	6/6	5/6	31/-
Gemmer- Brandewyn	6/6	5/6	31/-
Lemoen- Brandewyn	6/6	5/6	31/-
Peperment-Likeur	6/6	5/6	31/-
Van der Hum	6/6	5/6	31/-

JENEWER LIQEURS:	7/6	6/6	—
Lemoen-Jenever	7/6	6/6	—
Suurlemoen- Jenever	7/6	6/6	—

Voeg by 5/- vir kassie en bottels, en 12/0 vir vaatjies wat vergoed sal word by terugsending. Ons lewer drank in ons inhouers solank ons voorrade van inhouers het, en alleenlik op voorwaarde dat die inhouers blinde seëte dae aan ons terug besorg word. Weens bottel skaarste kan ons alleenlik in ons eie bottels, klasse drank verpak, waar sulke drank 'n minimum prys van £1-5-0 behoort (5/- vir inhouers ingesluit). Indien goedkoop kassies verlang word moet u u eie inhouers aan ons stuur.

Word verkoop in 12-bottel-klasse of 5-geltingvaatjies of groter. U klasse van 12 bottels kan Wyn, Brandewyn, Jenever, Likeur, Vermouth en Hanekraai bevat. Terme:—K.M.B. plus trekgeld na sylyne, K.B.A., plus treknommisste. V.O.S. OUDTSHOORN.

Bestel van

JURGENS SCHOEMAN

osbus 142. Oudtshoorn.



# Verlammende Uitwerking van Partypolitieke Stelsel Brit oor Spaanse Voorbeeld

Wanneer die Ossewabrandwag daarop wys dat die partystelsel magtelos is om ons volk te red omdat die ellendige toestand waarin ons volk vandag vervel het juis die gevolge van die partypolitieke parlementêre stelsel is, word ons deur sekere beroepspolitici verwyt dat ons „die Afrikanerdom se enigste party" ondermyn.

In sy onlangse verklaring by geleentheid van die tiende herdenkingsdag van die Nasionaal-sosialistiese bewind-aanvaarding in Duitsland, het Hitler ook verwys na die magtelose toestand waarin Duitsland tydens die partybondverkeer het. Dit is ook bekend hoe Mussolini aan bewind gestap het as gevolg van partypolitieke skaakmat. Om aan te toon dat dit in alle lande die geval is waar die parlementêre stelsel ingevoer is, en dat hierdie toestand alleen deur 'n gesagstaat herstel kan word, neem ons onderstaande aanhalings uit 'n boek van 'n Engelse skrywer oor die burgeroorlog in Spanje 'n paar jaar gelede:

„Tot aan die end van die vorige eeu was die toestand van die boer, die werker en van openbare onderwys swak en bedelary was aan die orde van die dag. Die rede was politieke onmag, gedurige verandering van regering en politieke en industriële naywer wat nie alleen die land se vermoë en welvaart lam geë het nie, maar ook maatskaplike wetgewing en aandag aan die volk se welsyn verhoed het. (By ons is dit ook maar eers vanjaar, en dan wel met die oog op propaganda, dat die parlement aandag geskenk het aan 'n sogenaamde maatskaplike program.—Red.) Die vernaamste oorsaak van hierdie slegte maatskaplike toestand in Spanje moet toegeskryf word aan die feit dat Spanje aan die begin van die negentiende eeu opgesaai is met 'n Brits-Franse parlementêre stelsel wat heeltemal ongeskik was vir sy aard en behoeftes en wat die land 'n eeu van die slegste bestuur deur ewig-wisselende beroeps-politici gegee het.

„Dit was hierdie ewel en hierdie stelsel wat genl. Franco vernietig het, maar wat ondersteuners van dr. Negrin se bewind (die destydse regering) wil bestendig. Dr. Negrin is die regstreekse afstammeling van die politici wat Spanje vir 150 jaar lank wanbestuur het . . .

„Hoewel daar 'n mate van verbetering in die toestand die afgelope veertig jaar ingetree het, was dit betekelik gering as gevolg van die onvermoë van die parlementêre stelsel om doeltreffend te fungeer.”

Die skrywer toon dan met syfers aan hoe die toestand op daadkrachtige wyse verbeter is tydens die sesjarige diktatuur van Primo de Rivera tot in 1931 toe die demokrasie weer ingestel is. „Die onmag op nywerheidsgebied het toegeneem, bedelaars het weer hul verskyning gemaak in die strate en die aantal skole het op groot skaal afgeneem. Weereens is dieselfde politieke onbevoegdheid van die Spaanse parlementêre stelsel waargeneem wat saam met die afbrekende pogings van sosialiste, kommuniste en anargiste alle pogings van hervormers gedwarsboom het. Baie wette is gemaak, sommige waarvan uitstekend, maar dit is nie in die praktyk toegepas nie. Dit was 'n toestand van swigdurende woorde sonder daad.”

'n Mens kan die woord Spanje deur Suid-Afrika vervang, en dit sal feitlik 'n ware beeld van ons landsomstandighede van vandag gee. En tog is daar

Afrikanerleiers wat selfs republikeins is, maar vir die behoud van die partystelsel in die toekomstige republiek pleit, en ander beveg wat teen die ewels van hierdie vreemde stelsel waarsku.

## VERKIESING IN JULIE

Volgens besluit van die Smutsbewind sal die algemene Volksraadverkieëing op 7 Julie plaasvind. Van verskeie kante sal gevra word wat die Ossewabrandwag se houding in verband daarmee gaan wees. Die vraag is misplaas. Die Ossewabrandwag het 'n onbaatsugtige aanbod gedoen tot die skepping van 'n verkiesingsfront teen die oorlog. Hierdie aanbod is deur twee ander politieke groepe, t.w. die Nuwe Orde en die Afrikanerparty as grondslag aanvaar, en albei was bereid om offers te bring vir die eenheid. Dr. Malan se antwoord het tot sover nog uitgeby. Die vraag moet dus wees: Wat gaan dr. Malan se bydrae wees om te verhoed dat ons volk homself tot skande maak?

## DIE VERKEERDE LEIER GETREF

### Koerant Maak Ongeluk

'n Verbete aanval is op 29 April deur Die Volksblad, orgaan van die H.N.P. in die Vrystaat, per abuis op sy hoofleier, dr. Malan, gedoen in 'n hoofartikel waarin die blad te kere gaan teen „volksleiertjies en slimkose" wat dan so dom is om te beweer dat Engeland en Amerika ons sal belet om uit die oorlog te tree. Die aanval was eintlik gerig teen die Ossewabrandwag, maar voordat dit kon tref, het dr. Malan per ongeluk op Vredendal en Garies voor die gewerebek gaan staan en die volle skoot hael op die lyf geloop. Dit is meer as interessant om so 'n paar aanhalings te maak uit die veroordelings wat so roekeloos na 'n rigting gewerp is waar dr. Malan 'n dag te vore nie deur sy vertrouelinge verwag is nie.

Nadat die blad verwys het na die „pas ontpopte leiertjies" se uitlatings in verband met kol. Reitz se dreigement en 'n weë uitgesprek het oor „die volk wat ou beproefde leiers verlaat om agter hierdie slimkose aan te hardloop", vervolg hy:

„Nou is daar weer 'n tweede storie wat deur ons vyande versprei word en klakkeloos deur hierdie selfaangestelde leiertjies nagepraat word. Dit lui as volg: Dr. Malan en die H.N.P. sou dan nie die volgende verkiesing wil wen nie. Hulle weet dan kastig dat hulle nie hul beloftes aan die volk sou kan uitvoer nie. Suid-Afrika sal dan nie in staat wees om hom aan die oorlog te onttrek nie, en al sulke onsin meer. Ook hier speel hierdie onkundige leiertjies in die hande van genl. Smuts. Dis die imperialiste wat eers aan ons vertel het dat Suid-Afrika nie

## ELKE WERKER BEHOORT SY LAND TE BESIGTIG

In die kapitalistiese staat was die werker 'n menslike masjien wat arbeid gelewer het per uur waarvoor hy 'n loon ontvang het. Die belangstelling in hom het net so ver gestrek as sy arbeid in die fabriek of besigheid. Of hy in 'n krot gelewe het, of hy dit kon bekostig om 'n huisgesin te hê, was dinge waarvoor niemand hom bekommer het nie, want elkeen het net vir homself geveg. Selds waar die werkers hulle verenig het, was dit nie omdat hulle die een vir die ander jammer gevoel het nie, maar dit was al wapen waarmee hulle elkeen vir homself die beste kon verkry.

In die nasionale en sosiale gesagstaat van die Ossewabrandwag word in die werker belang gestel nie omdat hy oor 'n hoeveelheid werkkrag beskik nie, maar omdat hy 'n volksgenoot is en as sodanig geregtig is op alles wat aan die volk behoort. Hy moet dus ook in staat gestel word om nie net 'n gelukkige gesinslewe te voer nie, maar om van alles te geniet wat aan sy volk behoort. In die gesagstaat van die Ossewabrandwag word daar o.a. voorsiening gemaak dat elke volksgenoot — en veral die werker wat as klas in die verlede baie verwaarloos was — geleentheid sal hê om sy vaderland te deurreis en te geniet van die skoonheid van ons land.

Is dit 'n verkiesingsbelofte? Nee, die Ossewabrandwag doen geen beloftes nie. Intendeel, hy eis van elke lid die grootste opoffering — selfs sy lewe. Dit word gedoen omdat die staat van die Ossewabrandwag staan op die grondslag van „ek is my broer se wagter". Gaan kyk na Duitsland waar hierdie selfde gees geleentheid gekry het om hom uit die lewe. Selds demokrate erken dat hierdie gees daar „wonders ver-rig het".

Die Ossewabrandwag gaan met hierdie gees ook „wonders verrig".

uit die oorlog kon gebly het nie; nou vertel hulle ons weer dat ons nie daaruit kan kom nie. Hulle het die reg gehad om ons in die oorlog in te sleep, maar ons het nie die reg om daaruit te gaan nie! Watter onsin! Ons kan dit begryp dat Imperialiste sulke dinge kan verkondig ten einde ons mense te verwar, maar dat mense wat voorgedat hulle die stryd vir 'n republiek hier aangeknoop het, met sulke bangmaakstories na die volk kan kom, is 'n bewys dat die volk hom nie op hulle kan verlaat nie. Amerika en Engeland sou dan nie toelaat dat ons ons onttrek nie! Dit laat ons dink aan die storie wat dr. W. P. Steenkamp kort na 4 September verkondig het . . . Almal het heerlik gelag, en nou kom daar gedoriewaar weer 'n klompie volksredders en vra die volk om nie die H.N.P. aan die bewind te bring nie, want as dit sou gebeur sal Engeland en Amerika dit en dat aan ons kom doen . . .

„Daar bestaan nie soiets nie. As die H.N.P. aan die bewind kom, sal die Regering wat hy daarstel, die volste reg hê om hom aan die oorlog te onttrek indien die meerderheid in die parlement daartoe besluit . . . Die H.N.P. het 'n goeie saak. Hy sal die mandaat wat die volk aan hom gaan gee, onverskrokke uitvoer. Ons vra die volk om hom asseblief nie te steur aan hierdie bangmaakstories nie. Dit kom van 'n klompie wat wil lei, maar reeds besig is om die hasepad te kies nog voordat die eerste skote al geval het. Soos ons ons volk ken, sal hy hom seer seker nie laat lei deur hierdie soort van agterryers nie.”

En toe staan dr. Malan in die pad van hierdie skoot bokhael deur die volgende dag op Vredendal en Garies te verklaar: „As die H.N.P. aan die bewind kom, sal hy minstens terugkeer tot die posisie wat veldm. Smuts toe in die vooruitsig gestel het. Of ons verder sal kan gaan weet ons nie. Engeland en Amerika mag maak soos met Franse kolonies gedoen is en dreig om ons land en ons hawens in besit te neem as ons vrede wil maak. Of ons absolute neutraliteit sal kan kry, weet ons dus nie. Dit sal afhang van omstandighede.”

## GESONDHEID IS MEER WERD AS RYKDOM

### Beskerm u Gesondheid

en

### Lewenskrag

### Gebruik

## LIFEBUOY- GESONDHEID- SEEP

DIT IS MEER AS 'N  
GOEIE SEEP —

DIT IS 'N GOEIE  
GEWOONTE

'n LEVER Produk

## Vir 'n Suksesvolle Loopbaan

Studie met behulp van die beproefde lesings van die Helpmekaar Korrespondensie Kollege is die beste en goedkoopste manier om u sukses in die lewe te ver-seker.

### MEER AS 200 KURSUSSE

Die Helpmekaar is die enigste suiwer opvoedkundige Afrikaanse Korrespondensie Kollege in Suid-Afrika.

Reeds meer as 16,000 Studente het met behulp van ons lesings sukses behaal. Ook U kan dit doen.

Pos die Koepon nog vandag

vir gratis besonderhede

Die Besturende Direkteur,  
Helpmekaar Korrespondensie Kollege,  
Postbus 3512, Voortrekkergebou,  
JOHANNESBURG.

Stuur my asseblief besonderhede omtrent u  
Korrespondensie Kursusse.

Ek stel belang in.....

Naam.....

Adres.....

(O.B. 19 Mei 1943).....

Besturende Direkteur: Dr. H. G. Luttlig, M.A.  
(S.-A.), D.Litt. et Phl. (Leiden).  
Mede-Direkteure: J. H. Greijbe (voors.), S.  
N. van Vuuren, P. Joubert, P. J. v. Z.  
Hattingh, A. C. v. W. Stroh.

## Helpmekaar

KORRESPONDENSIE KOLLEGE  
Voortrekkergebou 310, Hoekstraat 10,  
JOHANNESBURG

Postbus 3512 Foon 22-3512

## SLUIT NOU AAN BY DIE V.M.K.

DIE AFRIKANER SE EIE MOTORVERENIGING.

V.M.K. Klubbedienting sluit die volgende in:


Gratis sleepdiens. Goedkoper motorverzekering, gratis rogsadvises. V.M.K. aanbevole garages, hotelle, Iestee-huise en kafees waar gnawryheid en billike Afrikanerbedienting u inwag. Snelle afleweringdiens. Fadverslae. Pad- en roetekaarte. 'n Unieke motorrenteken.

Volle Besonderhede van:—

DIE HOOFBESTURDER, DIE FAKSBESTURDER.  
Bus 2043, Kaapstad. Bus 1093, Johannesburg.

DIE TAKBESTURDER.

Bus 283, Bloemfontein.





## Min of Meer Belangrik

### Betaal nie vir Empire

Ierland se begroting is verlede week by die Ierse parlement ingedien. Dit maak geen voorsiening vir hoër inkomstebelasting of gewone belasting nie. Die Ierse volk betaal nie vir die instandhouding van die Empire nie; hulle staan buite die oorlog.

### Justisie Weer in Aksie

In die afgelope weke het daar weer 'n vloed van inhegtenisnemings aan die Rand plaasgevind. Verskeie Afrikaners word aangehou op grond van allerhande aanklagte teen hulle, terwyl sommige geïnterneer is.

### Kommunistiese Sluipmoord

In Bulgarye is meer as duisend mense in hegtenis geneem ná die onlangse sluipmoorde op politieke persone. Onder hulle is 400 kommuniste. Radio Sofia het verklaar dat 'n bende buitelandse agente wat reeds etlike maande in die hoofstad opgetree en Bulgaarse beamptes doodgeskiet het, uitgeroei moet word.

### Welvoeglikheid nog net 'n Museumstuk?

Henry Irving Margolies in sy hoedanigheid as redakteur van „Blimey” is verlede week in Bloemfontein onskuldig bevind op vier aanklagtes dat hy onwelvoeglike of onbetaamlike publikasies te koop aangebied, verkoop of in die openbaar vertoon het.

Die magistraat het o.a. verklaar dat die „peil en smaak van die moderne gedagte nie geoordeel moet word volgens dié wat in 1902 bestaan het toe die regulasies ingevolge waarvan Margolies aangekla word, saamgestel is nie”.

### Oud-soldate Werkloos

In 'n toespraak voor die Rotariërs in Johannesburg het mr. H. Welsh, hoof-verdedigingskakeelbeampte verlede week gesê dat soldate nie kragtens wet daarop aanspraak kan maak dat 'n betrekking vir hulle gevind moet word nie. Daar is 'n regulasie wat die soldaat se vorige werkgever verplig om hom vir ses maande terug te neem, maar baie manne wat tans in die leër is, het geen betrekking gehad nie, terwyl ander in diens is van firma's wat nou nie meer sake doen nie. Sommige van die ontstaande manne loop vandag werkloos op straat rond. Ander het daarin geslaag om werk te kry, maar het weens liggaamlike onbekwaamheid dit weer verloor en is nou werkloos.

### Smuts Werk Saam met sy Grootste Teenstander

In 'n hoofartikel wat handel oor die verkiesingsooreenkoms tussen die Verenigde Party en die twee minderheidspartye van die Arbeiders en Dominioneite verduidelik Die Suidsterm, Kaaplandse Sapblad, dat die ooreenkoms niks meer inhou as die gemeenskaplike voortsetting van die oorlog nie. „Dit alles beteken nie in enige opsig dat die Verenigde Party deur die ooreenkoms noodwendig die binne- en buitelandse partypolitiek van die Arbeiders- of die Dominion-party onderskryf nie. Trouens, met sy kroonkoloniale uitkyk en temperament is die Dominion-party miskien die laaste party waarmee die Verenigde Party dit in die gewone politiek ooit sal eens word.” Aldus die blad. Die doel is in die eerste plaas om die oorlog voort te sit en „tweedens om die gevaar uit te skakel dat deur 'n verdeling van hul stemme, hulle setels as 'n geskenk aanbied aan die anti-oorlogspartye wat daarop uit is om die oorlogspoging te saboteer.”

Die blad noem die Dominion-party die laaste party waarmee hulle in vrede tyd sal saamwerk, maar terwille van die oorlog gee genl. Smuts hierdie party agt of setels en een nuwe, met die gevolg dat die oorlogspartye verenigd staan.

Dr. Malan daarenteen weer 'n verkiesingsaanbod van republikeinse groe-

pe waarin van hom verwag word om die Afrikanerparty sy agt setels te laat behou wat hy vandag verteenwoordig. Kan dr. Malan sê dat die Afrikanerparty die laaste party is waarmee hy dit ooit sal eens word? Hierdie party wil ten minste ook Suid-Afrika uit die oorlog hê, en dit is tog immers die strydvraag waarvoor die verkiesing sal gaan.

### Die Syfer 300,000

In die afgelope week het veldm. Smuts in 'n radiopraatjie syfers verstrekkend in verband met die Unie se bydrae tot die oorlog. Uit ons dunne bevolking van 2,250,000 blankes is daar 300,000 in die weermag in allerlei hoedanigheid. In voltydse militêre diens alleen is daar 166,000 manne en vroue, waarby ook nog gevoeg kan word ongeveer 30,000 wat om allerlei redes soos b.v. mediese ongeskiktheid uit die leër ontslaan is. „Sommige” van hierdie vrygesteltes loop vandag in die strate werkloos, na die Verdedigingskakeeloffisier verlede week meegedeel het. Hoe die land daar sal uit-sien wanneer hierdie tienduizende ná die oorlog uit die leër ontslaan word, kan ons maar aan die sterkste verbeeldingskragte oorlaat.

„Ons kan die eise wat aan ons mannekrag en ons hulpbronne gestel word om die ontsaglike vermeerderde spoorwegverkeer te hanteer of om te voorsien in die behoefte van vermeerderde voedselprodukte, sowel vir ons eie magte as vir die groot konvoie wat ons hawens besoek, en ook in dié van die groot aantal krygsgevangenes, vlugtelingen en ander, nie in syfers weergegee nie,” het genl. Smuts erken.

Elke huisvrou wat worstel teen 'n verhoogde lewenskoste en elke belastingbetaler kan hierdie syfer wel verstrekkend en sal dit vir tientalle jare na die oorlog ook nog kan verstrekkend wanneer 'n miljoene-skuldelaas gedelg sal moet word.

Waar sou ons volk nie gestaan het nie as hierdie onberekenbare „eise” aan die redding van die 300,000 arm-blankes in ons land bestee was in plaas van 300,000 gedwonge handlangers van die Empire? En hoeveel van hierdie nuwe 300,000 gaan ná die oorlog tot die getalle van die ou 300,000 bygevoeg word?

### 78-JARIGE SE GEESDRIF

Aan voorbeelde van geesdrif by die jeug vir die Ossewabrandwag se vryheidstryd ontbreek dit nie, maar ook die oues van dae se harte klop nog warm vir die toekoms wat verwerf moet word. So het 78-jarige Brandwag Philip Möller by geleentheid van Vryheidsdag op Wolsley twee myl teen die berg af geklim en die nag in die donker dit weer alleen bestyg omdat die pad te sleg is om in die donker met kar en donkies te ry. Dit is die tweede maal dat hy dit doen. Toe hom 'n lantern deur die offisier aangebied is vir sy terugreis, het hy dit van die hand gewys.

Die veldtog in Noord-Afrika het sy einde bereik. Met die vernietiging van die Spil se strydmagte in Tunisië het die Amerikaanse-Brits-Franse bondgenote in die huidige oorlog hulle grootste oorwinning op land behaal. Of die oorwinning in die arm en industrieel-ontwikkelde Afrika kan opweeg teen die verpletterende nederlae wat gedurende die huidige oorlog reeds in die kernland Europa en in die ryke Oos-Asië gely is, is 'n saak waarvoor hier nie hoof uitgeweet te word nie. Werklikheid is dat die Geallieerdes vandag baas is in Afrika, dat die Italiaanse koloniale ryk vernietig is, dat die gevaar vir Egipte — as 'n govaar uit die woestynagtige Italiaanse koloniale ryk met al sy natuurlike nadele moontlik was — verwyder is, dat die Geallieerde skeepvaart deur die Middellandse See weer moontlik geword het en dat die Amerikaanse en Britte vandag in Noord-Afrika oor steunpunte beskik vanwaar aanvalle op Suid-Europa en veral op Italië gemaak kan word. Dit is almal werklikhede hierdie waarmee die oorlogvoerende rekening moet hou.

### 'N NABETRACHTING

In die oorwinningsroes is daar altyd gevaar om die nugtere werklikheidsin-kwyt te raak. Niemand minder as Herbert Morrison, Britse minister van binnelandse sake, het dit dan ook 'n paar dae gelede nodig geag om sy mense te waarsku teen „drome oor 'n vinnige en maklike oorwinning.” Volgens Morrison is die veldtog in Noord-Afrika „slegs 'n voorspel tot ander en miskien omvattender optrede in Europa” en hy meen dat dit „verstandig sal wees as ons ons hart en gees voorberei op ernstiger beproewings in sommige opsigte as wat ons nog verduur het en die vooruitsigte voor ons in die maande wat kom, sober en standvastig besty.”

By die behandeling van die een of ander veldtog of aspek van die huidige reuse-worstelstryd is dit noodsaaklik dat die oorlog as geheel nooit uit die oog verloor word nie. Elke veldtog is 'n deeltjie, soms meer belangrik, soms minder belangrik, van een groot geheel. In verband met Noord-Afrika is dit goed om te onthou dat die Bolsjewistiese kommissaris vir buitelandse sake, Molotof, in Junie 1942 'n besoek aan Londen gebring het. By hierdie geleentheid is 'n Brits-Russiese verdrag gesluit waarin 'n „tweede front” in Wes-Europa in 1942 aan Moskou beloof is. Die jaar het sy einde genader maar die „tweede front” het nog altyd uitgebly. Toe eindelijk in die eerste week van November 1942, opvallend gelyktydig met die Russiese offensief by Stalingrad en die Britse aanval in Egipte op Rommel, het die „verrassende” Brits-Amerikaanse landing in Frans-Noord-Afrika plaasgevind. Die beloofde „tweede front” in Wes-Europa het nou in Frans-Noord-Afrika opgeduik. Die besetting van sleutelstede in Tunisië binne enkele dae is in die vooruitsig gestel. Soos bekend het daar egter 'n vertraging ingetree omdat nie die Geallieerdes nie, maar die Spilmagte die belang- (Vervolg op bls. 5)

# Sluit nader aan



**BOERENDE BOERE EN STEDELIKE VERBRUIKERS SLUIT NADER BY MEKAAR AAN —**

stuur u produkte en vee aan u eie bemarkingsorganisasie. Ons lewer reeds maandelank uitstaande dienste in hierdie nuwe gees . . . As u ons dienste eenmaal getoets het, sal ons u steun blywend verwerf.

**VOLKSKOPER MARK BPK.**

Môremerk Newtown

Foon 34-1442 JOHANNESBURG Wolhuterst. 62

### 'N VOLKSBEWEGING

By die aankondiging in hierdie uitgawe van die nuwe grondslag waarop die Ossewabrandwag georganiseer is, het ons die finale stadium van die Ossewabrandwag as organisasie bereik, en die eindstadium van die Afrikaner-volk se stryd teen die verdelende magte van die Britse Imperialisme.

Die Ossewabrandwag het nou ten volle ontplooi tot die omvattende volksbeweging van die Afrikanerdom. Hy is nou 'n eenheidsorganisasie in die volste sin van die woord. Daar sal nie meer provinsiale grense wees wat eenheid van optrede in die wiete ry en 'n ongesonde wedyering tussen volksgenote teweegbring nie. Alle lede van die beweging staan nou onder die leiding van een sentrale gesag, met die gevolg dat die vermoë en kragte van die beweging soveel sterker toegespits kan word op een doelpunt. Maar nie net in 'n geografiese sin is die Ossewabrandwag nou 'n eenheidsorganisasie nie, dog ook in nasionale sin. By die Grootraad is nou ingeskakel die belangrikste vertakkinge van ons volkslewe. Die Beleidstudies-afdeling onder leiding van prof. L. J. du Plessis skakel 'n geweldige breinkrag uit alle dele van ons volk by die beweging in — manne wat reeds groot bydrae tot ons volksontwikkeling gelewer het, en tans in staat is om deur middel van die Ossewabrandwag hul kragte reeds te wy aan die Republiek van Suid-Afrika.

Dan is daar die voorligtingsafdeling, wat nie net die O.B. se propaganda-departement is nie, maar 'n veel wyer omvang het. Die betekenis van hierdie afdeling sal eers reg waardeur kan word wanneer ons land in die nabye toekoms sal moet oorskakel na 'n pers-, radio- en filmwese wat die Afrikaanse gees sal adem en in diens van die Afrikanerdom sal staan. By die Grootraad is verder ingesluit die jeug van ons volk, terwyl daar ook voorsiening gemaak is vir 'n afdeling vir volksorg, wat voorlopig meer spesifiek die sosiale strewes van die beweging sal beliggaam. Dan is daar ook nog die finansiële afdeling wie se aandag ook wyer toegespits sal wees as net die geldelike sake van die Ossewabrandwag as organisasie.

In kort, die Ossewabrandwag het nou die volledige volksbeweging van die Afrikanerdom geword waarbinne alle nasionale kragte saamgesnoer word in diens van volk en vaderland.

Dit beteken ook die begin van die einde van die Afrikanerdom se stryd teen die verdelende magte van die Empire. Deur die liberalisme en imperialisme is ons volkslewe nie net in tallose partye en groeies op politieke gebied versnipper nie, maar ons volk se innerlike krag is verdeel deur die skepping van kunsmatige terreine vir die politiek, die kultuur, die ekonomie en die godsdiens — terreine wat waterdig van mekaar geskei is sodat ons volk nooit al sy kragte in een same-trekking kon inspan nie. Aan hierdie kunsmatige verdeling het nou 'n einde gekom deurdat die Ossewabrandwag hierdie sogenaamde gebiede almal in homself saamgetrek het tot 'n eenheid.

Op geografiese gebied is ons land in die stryd teen Britse Imperialisme in verskillende staatjies verdeel. Maar reeds voor die begin van hierdie eeu was dit 'n Afrikanerideaal om 'n verenigde Suid-Afrika onder eie vlag te hê. Dit was die ideaal van die Afrikanerbond voordat hy tot 'n politieke party verval het, en dit was ook die strewes van Paul Kruger. Vandag is hierdie ideaal in beginsel binne die Ossewabrandwag verwesenlik. Ons volk staan verenigd van die Kaap tot die Limpopo. Die stigting van die Unie in 1910 was nog onder vreemde vlag en op onafrikaanse grondslag en daarby innerlik verdeel deur die provinsiale en die partypolitieke stelsel.

Tans is dit nog net die uitwendige mag van die Britse Empire wat staan tussen die eeu-oue ideaal van die Afrikanerdom en die verwesenliking daarvan. Die fondament van die nuwe verenigde Suid-Afrika op nasionale en sosiale grondslag is deur die Ossewabrandwag gelê en die raamwerk van die Gesagstaat van môre is reeds beliggaam in ons Volksbeweging.



# Wat Gebeur as die Wiel Draai

## Tronkbeamptes in Hul eie Selle Gewerp

### — Oostenrykse Voorbeeld

'n Jaar gelede het die Kommandant-generaal verwys na die onmenslike behandeling wat Afrikaanse politieke gevangenes in die Suid-Afrikaanse tronke moet verduur. Hy het o.a. verklaar dat as die wiel draai, daar ondersoek ingestel sal word na die misbruik van mag in die tronke en teen diegene wat hul pligte te buite gegaan het, opgetree sal word. Verlede week het hy hierdie belofte in Pretoria herhaal.

In hierdie verband is dit interessant om die toestand net voor en kort ná die aansluiting van Oostenryk by Duitsland te vergelyk met wat tans hier plaasvind en, volgens belofte van die K.G., nog sal plaasvind nadat die wiel gedraai het.

Die Britse joernalis G. Ward Price wat die omwenteling in Oostenryk persoonlik aanskou het, skryf so een en ander oor hierdie aspek in sy boek „Year of Reckoning”. Hy skryf dat min mense in die buiteland besef het hoe swaar die hand van die Schusch-nigg-bewind op die nasionaal-sosialiste gedruk het. Duisende manne is in gevangenskap gehou in toestande wat min verander het sedert die Middeleeue. In sommige selle is tien persone saamgeprop in 'n ruimte van tien by twaalf voet. Daar was selfs folterselle waar gevangenes vasgemaak en geslaan is. „Geen genade is aan hierdie gevangenes betoon nie,” aldus die skrywer. „Hulle is gedwing om saam met misdadigers van die laagste tipe in een sel te gaan. Jong meisies wat aangesluit het by die geheime Bond van Duitse Meisies is saam met straatvroue opgesluit, en seuns wat mekaar die Nazi-salut gegee het is in die somber selle van die Rathaus-tronk vir vier en vyf maande opgesluit. . . . In sommige gevalle is doelbewus op die gevangenes geskiet. . . . Daar was 'n geval waar 'n 74-jarige moeder gevang is met die doel om haar seun tot skuldbekekenis te dwing. Sy is in die tronk oorlede en haar seun het selfmoord gepleeg.”

Die man wat ná die omwenteling belas was met die taak om die land van anti-nazi-elemente te suiwer, was self in die tronk mishandel, en sy woorde aan die skrywer was: „U sal besef dat ons streng sal optree teen diegene wat ons so kort gelede nog vervolg het.”

Die skrywer meld dat diegene van die Nasionaal-sosialiste wat geïnterneer was, na die omwenteling ruimskoots vergoed is vir die ongerief wat hulle te verduur gehad het.

„Daar kon selde so 'n eienaardige tronkverlossing in die geskiedenis gewees het,” vervolg hy. „Die magistrats, hoofkonstabels en ander wat Nazi's opgesluit het, is in hul plek in die selle gewerp. Die nuwe polisiehoof van Weenen, dr. Josef Fitzthum, het my na die twee vernaamste tronke geneem, die selle waarvan geval was van amptenare van die vorige bewind. Hyself het 'n lang termyn in een van

hulle gedien.

Dieselfde bewaarders wat 'n week gelede die seldeure agter hom toegesluit het, het hom nou kruiperig gesalut, soms met merkbaar ongenak, want dit was sy eerste besoek aan sy voormalige tronk. My het 'n paar beskuldig dat hulle hul mag misbruik het, en op 'n toon wat hulle laat verbleek het, gesê: „Ek sal ingaan daarop.” Een bewaarder het hy vriendelik op die skouer geslaan en uitgeroep: „Gawe kere hierdie! Op my verjaardag het hy om middernag na my gekom waar ek eensaam opgesluit was om my van lekkernye voorsien.”

„Hy het die hoof van die tronk ontbied. Selde het ek 'n uitdrukking van groter wanhoop op 'n man se gesig gelees as wat hy gehad het toe hy sy verskyning maak. Hy het klaarblyklik verwag om onmiddellik in een van sy eie selle gewerp te word. Sy hele liggaam het gebewe en die transe het in sy oë geskiet toe sy nuwe Nazihoof sy hand vat en vir hom sê: „Ek het jou laat kom om jou te bedank vir die eerbare en goeie manier waarop jy jou plig as tronkhoof gedoen het solank ek hier was.”

„Die hoofkontrakteur vir die tronk was agter die tralies. Hy, soos meeste staatsleweransiers was 'n Jood, en was beskuldig dat hy slegte vleis en boontjies sonder vet gelever het.”

### NOORD-AFRIKA

(Vervolg van bls. 4)

rikste plekke in Tunisië beset het. Eers vandag, na die Russiese offensief reeds lang tot stilstand gekom het, kan die Geallieerdes in Noord-Afrika aanspraak maak op 'n eindoorwinning.

Die veldtog in Noord-Afrika het aanleiding gegee tot heelwat spekulasie oor die Spil se taktiek. Volgens Britse skatting, om slegs een voorbeeld te noem, was daar in Noord-Afrika maar slegs van 150,000 tot 200,000 Spiltroep. As hierdie skatting juis is dan was die Spil se stryd magte in Noord-Afrika opvallend klein, nie alleen vir die aanval nie maar selfs ook vir die verdediging. Ses maande was tog lang genoeg vir die Spil om oor hulle kort verbindingslinies groot stryd magte in Noord-Afrika te konsentreer en om die Afrikaanse brughoof te hou soos hulle reeds dikwels in hierdie oorlog ander brughoofde gehou het. Die een moontlikheid is dat die Spil nie oor genoeg troepe beskik nie, dat die Spilleërs in Rusland uit gebloei het, dat die besette lande en die lang Europese kuslyn te veel troepe eis. Indien dit die geval is, hoef die Geallieerdes hulle nie oor die toekoms van die oorlog in Europa te kwel nie en dan is Morrison se waarskuwing oorbodig.

Daar is egter nog 'n ander moontlikheid en dit is dat die Spil die inisiatief in eie hande wil hou en derhalwe self wil bepaal dat die „tweede front” nie in Afrika sal wees soos die Geallieerdes dit wil hê nie, maar aan die kuste van Europa waar die Spil en nie die Geallieerdes nie oor belangrike voordele beskik. Die Spil wil m.a.w. veg op terrein wat hy self kies en nie op Afrika waar die Geallieerdes vir hom 'n „tweede front” wil berei nie. Dit is dus moontlik dat die klein Spilstrydmag in Noord-Afrika alleen die doel nagestreef het om te verhinder dat Rommel agensy word en om die Geallieerdes so duur moontlik aan mense en materiaal te laat betaal.

Die vraag wat vandag deur menig een gestel word is: Wat gaan die Britte en Amerikaners doen na Afrika? Kom die Italiaanse eilande om en in die straat van Sisilië aan die beurt? Dit is egter nie in Afrika of in die Middellandse See waar die beslissende slag vir Europa gelewer sal word nie maar aan die Russiese front.

## TREFFENDE HULDE AAN ONTSLAPE KAMERAAD

BEGRAFNIS VAN HOOFKDT.  
H. D. VAN DYK

Treffend was die hulde van die Ossewabrandwag aan 'n ontslapte kameraad, toe wyle hoofkomdt H. D. van Dyk, in lewe een van die eerste Ossewabrandwag-offisiere in Transvaal, op Sondag, 2 Mei, plegtig deur sy mede-offisiere en brandwagte na die graf gedra is.

Die plegtigheid is bygewoon deur die hoogste offisiere in die Ossewabrandwag. Teenwoordig was die Kommandant-generaal, dr. J. F. J. van Rensburg; die Adjunk-kommandant-generaal, genl. J. A. Smith; genl. J. D. Jerling, genl. Louis Boothea, genl. P. J. Meyer, genl. H. J. R. Anderson, genl. G. Puren (in wie se generaalskap wyle hoofkomdt. Van Dyk gedien het), genl. P. J. Botma, genl. W. H. Boshoff en talle ander offisiere.

Die Ned. Herv. of Gerof. Kerk, Melville, Johannesburg was te klein vir die groot skare wat 'n laaste eerbewys aan die ontslapte kameraad en vriend bewys het.

Om die kis voor die kersel het 'n erewag van ses O.B.-vroue in wit drag gestaan en op die kis, wat in die O.B.-vlag gehul was, het die hoed en rangtekens van die oorledene gelê. Diep was die indruk op die aanwesiges toe genl. G. Puren, onder wie die oorledene gedien het, die kerk binne kom, geklee in die veldpak van die Ossewabrandwag, voor die kis op aandag kom en dit saluer.

Die diens is gelei deur ds. P. J. van Rensburg, van Melville en hy is by die graf bygestaan deur ds. M. Kruger, van Westdene. In die kerk het ook ds. H. A. Stander, van Turfontein, 'n paar woorde gesê oor die opgeruimde, opregte, besliste en pliggetroue karaktertrekke van die oorledene. Die bekende Asaf-koor van wie wyle hoofkomdt. Van Dyk die voorsitter was, het met koorsange in die kerk opgetree.

'n Erewag van ongeveer 200 manne en vroue, die manne geklee in vaal broeke en wit hemde met swart dasse en die vroue in wit rokke, het onder bevel van komdt. Chris Lombard die lykstoet na die graf vergees. Vooraan die erewag het die Kommandant-generaal, genl. J. A. Smith, genl. H. J. R. Anderson en genl. P. J. Botma gestap. By die graf het 'n erewag van Jeugfront-seuns en -dogters plaasgeneem. Nadat die lykstoet by die graf aangekom het, is die ander erewagte ook in gelid om die graf opgestel.

Op die bevel: „Kamerade, in diens van Eenheid!” het die Ossewabrandwag-lede op saluut gekom, terwyl die stoflike oorskot van die ontslapte kameraad in die graf neergelaat is.

By die graf het gebieds-hoofgeneraal Louis Boothea namens die Ossewabrandwag 'n paar woorde tot die aanwesiges gerig. Hy het veral hulde

gebring aan die pligsgetrouheid en opgeruimdheid van die ontslapte offisier. Hy het sy spore volgestaan. Die aand voor sy vertrek op die reis waarop hy noodlottig verongeluk het, het hy eers al sy werk afgehandel en sy laaste O.B.-verslag om middernag voltooi. Sy opvolger kan dus net oorneem waar hy opgehou het. So is dit elkeen van ons so plig om toe te sien dat ons opvolgers ons spore duidelik kan sien.

Die oorledene se sterwenswoorde was uit die Transvaalse Volkslied. „Dirk van Dyk het 'n Boer geleef en getrou 'n Boer gestorf”, het genl. Boothea gesluit.

Die Kommandant-generaal, dr. Van Rensburg, het by die graf 'n paar woorde tot die aanwesiges gerig. Hy het veral gewag gemaak van die blywende indruk wat die glimlag en minzaamheid van die oorledene op hom gemaak het toe hy hom ontmoet het op die eerste Afrikanerfunksie wat hy destyds as Administrateur van die Vrystaat in Johannesburg bygewoon het. Dit was by geleentheid van 'n funksie van die Boere-Noodhulpfonds (tans die O.B.-Noodhulpfonds), wat in die Helpmeekarskool gehou is. Dr. Van Rensburg het gesê dat hy net twee persone onthou wat hy op hierdie funksie ontmoet het. Die een is die oorledene en die ander een is genl. Van der Westhuizen, tans in die interneringskamp op Koffiefontein.

„Aan die familielede ons respektvolle simpatie en aan die offisier en kameraad wat hier rus, ons liefde”, het dr. Van Rensburg gesluit.

In die kerk het die volgende persone as draers namens die familie opgetree: mnr. A. J. van Dyk, P. H. van Dyk, A. P. Zeeman, P. A. Labuschagne, E. W. Baransky en P. R. Scheepers.

By die graf het die volgende offisiere as draers namens die Ossewabrandwag opgetree: Hoofkomdt. T. J. Roets, hoofkomdt. L. H. Mostert, komdt. P. C. de Bruyn, komdt. A. J. B. Vorster, komdt. M. J. P. Claassen en komdt. J. C. Marais.

Mev. Van Dyk, wat 'n kommandante in die Ossewabrandwag is, en haar twee kinders was onder die treurende familie.

Wyle hoofkomdt. Van Dyk het die lewe ingeskiet in 'n tragiese motorongeluk in die Vrystaat. Die pad was baie sleg van die reën en toe hy afgoklim het om te kyk waar hy moet ry, het die motor teen die skuinste omgeslaan en op hom geval. Vyf dae daarna is hy oorlede.

Sy laaste hoodskap aan sy eggenote was: „Wees gerus, die Ossewabrandwag sal my begrawe. Mnr. Keet (van die Asaf-koor) weet wat hulle moet sing.”

Kort voor sy dood het hy aan sy eggenote gesê: „Laat ons bid, ek is gereed om te gaan.” Na die gebed het hy al sterwende die Transvaalse Volkslied aangehef en die woorde: „. . . dat vrye, vrye volk zijn wij” het op sy lippe gestaan.

Die Ossewabrandwag eer die nagedagtenis van 'n getroue vriend en kameraad.

## Joodse Gevaar deur 'n Jood Bevestig

Van Afrikaanse volkstandpunt lê die gevaar van die Jodedom in ons land nie soseer daarin dat hulle groot sukses het in handel en bedryf en daardeur Christene tot 'n mate uitdruk nie: dit is meer die beswaar van die kant van die Engelse Suid-Afrikansers.

Van ons standpunt is die gevaar van die Jodedom ook nie in die eerste plaas daarin geleë dat hulle 'n aparte geloof of ongeloof bely of 'n afsonderlike ras of rasvermenging verteenwoordig nie, hoewel dit al erger is, veral omdat hulle hulself afsluit teen die Christelike geloof en die Europese rasgroep waartoe ons as Afrikaners behoort, en dus onassimileerbaar is en bly en daarom geen gesonde bydrae kan lewer tot die volkstaat van die toekoms nie.

Die hoofgevaar van die Jodedom is vir ons daarin geleë dat hulle by uitstek 'n kosmopolitiese of internasionale nasie is wat elke vaderland waar hulle hul vestig, probeer denasionaliseer en by hulle eie karakters aan te pas: hulle is dus nie slegs onnasionaal en onnasionaleiseerbaar nie, maar anti-

nasionaal en denasionaliserend.

Dit word o.a. bevestig deur 'n Joodse skrywer in The Political Quarterly van Jan.—Maart 1943, soos volg: „Die kans vir die Jodedom is geleë in hulle kosmopolitiese opvattinge. Die wêreld ontwikkel nou na 'n Westerse Gemenebes wat Europa en Noord-Amerika sal insluit, en waarin kosmopolitiese-gesinde mense nodig sal wees. So het die Jode 'n geslag gelede die Sosialisme deur die lande help versprei; die Sowjet-regering kon hulle goed gebruik en ook die Westerse Gemenebes van die toekoms sal kan steun op die Jode in Europa en Amerika teen die gevaar van verbrokkeling. Met die oog hierop is dit goed dat die Jode nog nie heeltemal geassimileer is nie: want nou kan hulle ten volle geassimileer raak in die toekomstige eenvormige mensesoort van die verwagte Westerse Gemenebes saam met die verskillende nasionaliteite waarmee hulle nou maar half geassimileer is. Die kosmopolitiese karakter van die Jode sal aan hulle hierin 'n voorsprong gee en hulle maak tot die mees toegewyde dienaars van daardie internasionale Gemenebes.”

## VOLKSKAS

GEE: 3½% Rente op Vaste Deposito's vir twee jaar.

3% Rente op Vaste Deposito's vir 12 maande.

2½% Rente op Beleggings-sertifikate — opvorderbaar met 3 maande kennisgewing.

2% Rente op Spaarrekeninge.

**Volkskas (Koöp.) Bpk.**

(Opgerig kragtens die Koöperatiewe Wet)

Hoofkantoor:

Volkskas-gebou, Sentraalstraat,  
PRETORIA.



Die Volk se Bank.



**GEVAARTEKENS**

„Ons as jong volkie toon al dieselfde onmiskenbare tekens van verrotting en agteruitgang. Die stad is besig om die platteland te verswelg—in plaas van 'n toenemende verowering van die landsbodem openbaar ons steeds 'n toenemende „vlug” voor die eise wat dit vandag aan ons stel.

„Die siellose, kragtlose „beskawingsmens” wie se geloof nie verder reik as sy eie oppervlakkige verstand en wie se aspirasies nie hoër gaan as rykdome en gerief nie, word oral aangeref.

„Selfs die Afrikanervrou, die krag en trots van ons volk, toon ook al die onmiskenbare spore van innerlike verval, en al is dit by wyse van uitsondering drink sy ook al by die hotel „Whisky en soda,” of verskyn sy met rooi gevelde naels en sigaret in die mond in Voortrekkerdrag.”— Genl. Japie van der Merwe op Ama-joeba, 27 Feb. 1943.

**REËLINGS VIR BESOEK AAN GEÏNTERNEERDES**

In verband met die komitee te Koffiefontein wat sorg vir goedkoop losies vir besoekers aan die geïnterneerdes en vervoer na die kamp, vestig die Vrystaatse Hoofkwartier die aandag daarop dat persone wat van hierdie diens gebruik wil maak, die Vrystaatse Hoofkwartier vroegtijdig daarvan in kennis moet stel, en nie regstreeks met komdt. Immelman op Koffiefontein in verbinding moet tree nie. Dit veroorsaak oorvleueling en verwarring.

**VERJAARDAGKETING**

20 Mei: Andries Boshoff (George), Theodor Bohlman (Paarl); 21 Mei: Arnoldus Landman (Port Elizabeth), Anna Roos (George); 22 Mei: Elinor Cilliers (Plumstead); 23 Mei: Christie Liebenberg (N.-Paarl), Philippus J. du Plessis (Merweville), Mercia Geldenhuys (Sutherland); 24 Mei: Hendrina Theron (George), Elsabe Claassens (Rondebosch); 25 Mei: Louis van der Westhuizen (Kaaipstad), Jan van Walen (Port Elizabeth); 26 Mei: Annamari van der Merwe (Kromrivier), Martha Olivier (Port Elizabeth), Wessel Marais (Port Elizabeth), Pieter Maritz (Sutherland).

**JEUGOFFERS**

Die Jeugfront-dogters van Duiwekop wil ook hulle deeltjie doen.

Millie Theron en Leonie Treurnich het 'n konsertjie georganiseer en stuur 5/- om te gebruik vir die dogtertjies van ons geïnterneerdes.

**DE KOCK se GARAGES**

Voertuighandelaar, Repareerder, MIDDELBURG, GROSLERSDAL, Transvaal, Transvaal.

Eienaar: D. D. DE KOCK  
Agente vir Pontiac en G.M. Vragmotore

**TOT U DIENS!**

V.M.K. AANBEVEEL.

**MEUBELS**

PRYSE STIG VENNIG.

**KOOP NOU!**

ONS HOU ALLEENLIK GOEIE KWALITEIT MEUBELS IN VOORRAAD.

**Werda Meubelhandelaars** (Eiendoms.) Bepark, Grootte Kerkgebou, KAAPSTAD.

Fosbus 210. Foon 2-6806.

**BRANDWAGTE AANDAG!!**

Ons Komdt.-Generaal, prof. L. J. du Plessis en Genl. K. Malan praat te Bokfontein, (8 myl van Hartbeespoortdam, by die 32 mylpaal tussen Rustenburg en Pretoria) op Saterdag, 22 Mei 1943. Brandwagte van Brits, Pretoria, Rustenburg en omgewing word in groot getalle verwag. Boeresport, Braanvlies, Pannekoek, Boere-koffie en Beskuit, vanaf 12-uur n.m.

Kom! Laat die gesdrit van die O.B. u weer besiel.

**O.B.-NOODHULPFONDS**

Die volgende verdere bydrae tot ons fonds vir hulpverlening aan die afhanklikes van geïnterneerde Afrikaners is aan Die O.B. bekend gemaak:

TANSVAAL TOT 1 MEI.		£	s.	d.
Reeds erken		17,168	0	0
Kwit. No.:				
3311 3A3		18	5	6
3312 9C3		2	4	6
3313 9B4		9	0	0
3314 5A1		5	1	
3314 5A2		5	1	
3314 5A3		5	1	
3314 5A4		5	1	
3314 5A5		5	1	
3314 5A6		5	2	
3314 5C1		5	1	
3314 5C2		5	1	
3314 5C3		5	1	
3314 5C4		5	1	
3314 5C5		5	1	
3314 5C6		5	2	
3315 5A1		6	10	3
3315 5A2		11	7	9
3315 5A4		6	10	3
3315 5A6		7	0	5
3315 5B3		8	0	6
3315 5B6		5	12	6
3315 5C2		29	3	6
3315 5C5		6	2	1
3316 11B3		11	0	0
3317 10C		1	16	5
3319 8B5		5	2	4
3320 1C3		8	13	0
3321 1C6		0	5	0
3322 Bydrae		7	6	
3323 5C1		24	1	6
3323 5C3		28	9	6
3323 5C4		5	3	6
3323 5C6		28	9	6
3324 3C6		2	17	6
3325 1C4		2	1	0
3326 4B6		2	5	0
3327 2B2		2	8	0
3328 1B4		7	18	0
3329 1C1		18	3	0
3331 8E2		10	14	6
3332 11C5		2	7	9
3333 J 2A2		10	0	0
3334 2B1		3	8	3
3335 9B1		15	0	0
3336 9B5		19	3	
3337 3A3		4	0	0
3338 2A6		7	6	6
3339 Bydrae		10	0	
Totaal:		£17,481	15	5

**SASBANK**

Verrig Volksdiens!

Lenings vir gesalarieerde persone verkrygbaar. Terme uiters billik.

**RAADPLEEG SASBANK**

PAARL:— Posbus 266.  
WORCESTER:— Posbus 57.  
KAAPSTAD:— Posbus 2387.

Ten spyte van omstandighede, kry u nog steeds 'n besondere deftige verskeidenheid **Damesuitrusting**

by **Steyns**

PAROW

DIE MODERNE DAMES-MODISTE

L.W.—Ons is elke Woensdag gesluit.

**ONDERSTEUN ONS ADVERTEERDERS**

**MARKAGENTSAP**

Vroeë Môre-Mark  
KAAPSTAD

BETALING GESKIED ONMIDDELIK, WEEKLIKS, MAANDELIKS OF SOOS VERLANG.

BESTE HEERSENDE PRYSE.

**MINNAAR & VAN SCHOOR**

Eienaar: GUSTAV RETIEF.

Telefoon 2-0212.

Maak Kennis met die **Nuwe Volkspele**

Opgestel deur Hester Morrison (MEV. W. VAN HUYSSSTEEN)

Met Musiek en Liedjies (grondgedigte) deur

M. L. de Villiers

Komponis van „Die Stem van Suid-Afrika.”

Hierdie Nuwe Volkpele is met groot sukses uitgevoer by geleentheid van die onlangse Volkspelerkursus te Stellenbosch en die Oos-Kaaplandse kursus te Aliwal Noord.

Prys 4/3 posvry

Bestel by die uitgewers,

PRO ECCLESIA-DRUKKERY  
Posbus 28, Stellenbosch of by u Boekhandelaar.

116 Takke 44,000 AVBOB Reservefonds Lede £113,000

Hooftkantoor:

St. Johnstraat 65, BLOEMFONTEIN  
Begrafnis, Klets, Krasse, Grafstone

**W. VOIGT BPK., HUGENOOT.**

Fabrikante van . . .

Kelder en Besproeiings Masjinerie, Slepwaens, Boerewaens, Ens., Ens.

Foon: Paarl 23.

Posbus 10, Hugenoet.

**RAMME**

Opregteelde Waganella Ramme teen baie redelike pryse. Kude Ramme £3-10-0 tot £10. Stoot Ramme £12-10-0 en hoër. Groot karkasse met uitstekende kwaliteit en lengte die kenmerke. Skrywe aan: J. H. MOOLMAN, Merino, P.S. Oradock, Foon 712.

HERHOLDT SE BOOMKWEKERYE  
Posbus 660, Johannesburg.

Pragtige voorraad Wit Genoa, Adriatic, Kaapse Wit Vyeboome, Perskes, Pere, Tamatieprulme, ens. Bestel nou en voorkom teleurstelling. Katalogus gratis aan planters.

**Geklassifiseerde Advertensies**

**GEBOORTE**

SMIT. — Aan mnr. en mev. Japie Smit, Langlaagte, Saldanha, 'n fris seun.

SLABBERT: Aan Asst.-Veldkt. en mev. Jan Slabbert van 5de Laan 9, Primrose, 'n 8 pond Brandwag-seun op 12 April. Naas die goeie Gewer ons dank aan suster en dokter.

**VERLOWING**

BEZUIDENHOUT — GROBLER: Hiermee maak ons, Elsie, Opbare Skool, Slabbert en Frikkie, Toevertrou, Slabberts, bekend dat ons verloof is.

PRINSLOO — LANDSBERG: Ons twee Esther, dogter van mnr. en mev. M. Landsberg, van Andalusia en Ben, (van Drieboeks-meting) seun van mnr. en mev. B. Prinsloo, van Pretoria, maak hiermee bekend dat ons verloof is.

**DANKBETUIGING**

Alle Kommando's, Offisiere en Brandwagte word bedank vir kranse, telegramme, briewe en ander blyke van deelneming, tydens die afsterwe van ons eggenoot en Vader, Basie Kritzinger (Generaal). Die Eggenote en Kinders, Brandkraal, Karreedouw.

**PERSOONLIK**

H/Komdt. mevr. Jurgens Schoeman van Oudtshoorn, wat 'n operasie in die Volks-hospitaal ondergaan het, maak goeie vordering.

**GEVRA**

BLANKE onderwyseres vir 2 kinders, Std. III en Sub B. Salaris £14 per kwartaal. Vrye inwoning. Meld kwalifikasies. Mev. D. Lombard, Koppiesfontein, P/Sak Claar, Wepener.

**BETREKKING GEVRA**

AFRIKANERSEUN, 18 jaar oud, vra om Kantoerwerk. Matrikulasie-eksamen geslaag in Boekhou, Snel- en Tikskrif. Afekrite van sertifikate en getuigskrifte op aanvraag. Doen aansoek by: J. W. Fourie, Grootfontein, Grootbrakrivier, Mosselbaai, K.P.

JONG Afrikanerseun van 19 jaar met 2 jaar Handels-Kursus, wat in die volgende vakke geslaag het, Afrikaans, Handel, Boekhou, Wet en Ekonomie, soek 'n betrekking by 'n Afrikaanse Besigheid, en is gereed om van 12 Julie 1943 te eniger tyd dienste te aanvaar. M. P. A. Bekker, P/a. mnr. S. Abrahams, P.K. Nuy, Dist. Worcester.

**BENODIG**

DADELIK benodig, 'n flukse ongetroude voorman vir besproeiings-grond. Onder-vinding van masjinerie, melkery en appelmakery 'n vereiste. Rig applikasies aan: Mev. N. Wienand, P.K. Eastpoort.

**TE KOOP**

KARAKOEL-RAMME. — Jong Ramme is tans beskikbaar uit volbloed Karakoel-skape, wat spruit uit Neudam- en Grootfontein-Stoeterie. Telling geskied onder strenge beheer en met die beste deskundige raad. Pryse vanaf £30 tot £50 volgens klas. Skryf aan: Mev. H. M. Burger, Bestuurderes, Toerkop Karakoel-Stoeterie, Nieuwoudtville.

SPEELSKIEDE. — Van goeie hout. Bottel-skele teen 3/9. Kop-skele teen 4/6. Kees Botha, P.S. Serpentine, Dist. George.

OPREGTE Australiese Bruin UIESAAD. Beste van soort, goedgekeur deur Departement van Landbou, 7/- per pond, 6/6 vir meer as 10 pond, posvry, K.M.B. — J. J. SPIES, „Rus-en-Vrede,” Schoemanshoek, Oudtshoorn.

UIESAAD. — Vroeë Kaapse Plat geel, 6/6 per pond; Australiese Bruin, Spaanse Bruin, 5/6 per pond; Kaapse stroof 5/- per pond. Afslag op 100 pond en meer. Gert van Rooyen, Bus 41, Unfontaine.

**KAROO BOK-KRAALMIS**

BESTE gehalte Kraalmis, fyn gemaal en geskik vir die gebruik in Kunsmis-toestel, 32/6 per ton van 12 sakke, 38/6 per ton van 12 nuwe sakke, K.M.B., vry gelewer Unistasties. Plaas stellings vroegtijdig. My Bank: Volkskas, Port Elizabeth. J. A. Scherman, P.S. Grootfontein, Somerset-Oos.

**KAROO-KRAALMIS**

BESTE kwaliteit, geen onkruid; met hamer-meul fyn gemaal. Gereed vir Kunsmis-toestelle. Gelewer bona fide boere se stasies teen 30/- per ton van 11 goeie sakke, K.M.B. A. Nel, Uittlugt, Sheldoustasie.

Uitgevoer deur Voorslag (Edms.) Bepark, Kamer 703 Grootte Kerkgebou, Adderleystraat, Kaapstad, en gedruk deur Pro-Ecclesia-Drukkery, Die Laan, Stellenbosch.

**ONDERSTEUN ONS ADVERTEERDERS.**